

籌辦夷務始末

籌辦夷務始末卷之八十九

同治十二年癸酉正月丁亥署兩江總督張樹聲奏鳳凰山各營始於同治三年上海洋兵會防之時李鴻章因戈登已夏禮所請量設三營教練操防以撤西兵外示羈縻內資控制辦理具有深意迨留防日久營哨各官屢經更易流弊滋深如本年正護兩營藉端索賞後十一月初聞臣訪聞正營弁勇復有紛紛求去之事雖無譁噪滋擾重情究屬不成事體卽經嚴飭提究並函商署撫臣恩錫會派記名總兵樊岐陞馳往接帶確查逞刁弁勇分別重懲似此積習相沿若不設法更張恐貽後日之患惟事涉華

洋勤多牽掣。從前曾國藩在兩江任內。曾經咨商總理衙門。有裁撤刪併之議。未及施行。茲擬詳查原案。密飭蘇松太道沈秉堃。先與英法各領事妥商。應如何簡閱裁併。或移紮他處。由臣相機酌度。俟辦有端倪。再行專案具奏。御批。知道了。

已丑。署兩江總督張樹聲。據蘇松太道沈秉堃。同治十一年八月十二日。日本官鄭永甯來遞。述及秘魯國瑪也西船。由澳門行抵日本橫濱海口。有華人自船投水。經英國兵船官員挨仁彫救起。詢係被人拐賣。同船華民二百餘人。伊恐到秘魯受苦。是以投水。由駐日本之英國公

使知會。經日本官將該船扣留。被拐之人盡收上岸。緣秘
魯係無約之國。遂會同英美兩國領事訊辦。並函致鄭永
甯。詢問中國官如何辦理。速寄回信等語。當經前署通商
大臣何璟。以秘魯國係無約之國。乃私在中國澳門地方
拐人出洋。既經日本國扣留保護。自應派員往辦。以答鄰
好。而衛民生。當即遣委補用同知候補知縣陳福勳。並由
道商同上海英美兩領事。派美籍譯官麥嘉緒。偕鄭永甯
同搭輪船前往日本。相機妥辦。去後。嗣據沈秉成稟稱。陳
福勳等於八月二十七日俱到橫濱。所有被拐華民已先
由日本外務卿飭據神奈川縣權令大江車自七月初四

日趨節次訊供。至八月二十四日定案。華人二百餘名。均
俟中國派員帶回。其瑪也西船。從寬釋放。陳福勳當將華
人趙亞好等二百餘名。全行查收。仍搭輪船從橫濱開行。
日本外務卿復派領事官品川忠道沿途照料。於九月二
十一日到滬。由道分飭上海印委各員。將該華民逐一查
訊。籍隸廣東者一百九十六名。福建二十七名。湖南江西
浙江各一名。除福建湖南等省。人數較少。酌給路費。分交
員董寬便遣回。其籍隸廣東。而上海有親族可依。亦准保
領外。尚存廣東人一百八十七名。當即派委候選通判劉
光康。候補直隸州黃國光。搭坐輪船。押送回粵。旋據廣州

府覆稱被拐難民如數收到已分交各原籍州縣給屬領
回一面嚴拏拐匪懲辦等情茲復據沈未成以此案辦理
完竣稟請具奏前來臣查此案歷辦情形業經前署通商
大臣何璟隨時咨報總理衙門查照並密咨兩廣督撫臣
轉飭地方官務將拐匪訪拏嚴辦在案惟祕魯國船擅在
澳行拐去華民至二百餘人之多行抵日本橫濱地方經
該國官截留訊辦知會中國派員前往悉數帶回實由日
本及英美各官認真襄辦俾該華民得慶生還且該華民
在日本留養多日中國委員未經接管以前一切用項悉
係該國支應疊經委員詢問數日以便歸款日本官均稱

已由本國支銷不須送還出力出資極款鄭誼尤堪嘉尚
除飭道將英兵官美緒譯酌予獎勵一面備辦綢緞等物
分送日本官員仍由臣照會外務卿致謝

御批該衙門知道

壬辰烏嚕木齊都統景康奏據駐防古城統領孔才金永
清等呈稱通有俄國商民帶領從人十六名內有哈薩克
十二名駁載貨物來古貿易隨帶清漢字俄字路照各一
張又由烏請領蒙古字路照一張除清字俄字蒙古字路
照無人認識外所有漢字路照內開大俄國邊界官將軍
姜得阿色斗阿客市客為給發執照事今有本國商民哈

利帶人二十五名。攜帶駱駝九十隻。雜貨一百六十五捆。大小槍七箇。刀五把。馱馬二十七匹。前往蒙古各處貿易。所有中國及蒙古地方各官員人等。查照放行。任便貿易。毋得攔阻。此照該商於回國之時。立即回繳。特此畫押蓋印。執照為憑。降生一十八百年月日。右給該商人執照等因。統領等親往查驗。伊等同行諸色人等。較原照計短人八名。詢其情由。據稱由烏折回。該俄商隨帶貨物五十五馱。駝七十八隻。馬三十七匹。羊四百三十八隻。當將該俄商逐名盤詰。據稱前來貿易。並無異詞。等當即剴飭該統領等。諭以古城逼近賊氛。時常打仗。且駐紮兵勇甚多。誠

恐照料不周該俄商等設稍有損傷貨物稍有遺失轉非兩國和好之道不如卽早折回等語妥為開導去後旋據孔才等稱該俄商復稱往巴里坤貿易可否准其前往才再行剴飭孔才等仍遵前剴善言開導俾令折回查此次俄商是否卽係前次赴巴里坤貿易折回之令繞道赴古抑或另係一起均未可知刻下西疆軍務孔棘俄人覬覦烏城前在三塘湖暫住之俄商卽聞有圖繪山川形勢之說此次赴古俄商難免非窺探軍情地勢況巴里坤等處時有賊氛滋擾該俄商等馭載貨物往來行走稍有疏虞不免銑舌惟俄人犷悍性成難以語言相爭且恃有通商

和約。又未便過於激切。轉使俄人有所藉口。事關中外交涉。攸繫綦重。可否請

旨飭下總理各國事務王大臣。轉諭任京俄使。俟西疆軍事少鬆。再令該俄商貿易。以弭釁端而鞏邊圉。

御批該衙門知道。

戊戌總理各國事務恭親王等奏。同治十一年十二月二十三日。軍機處交出直隸總督李鴻章奏。日本使臣來津換約。請

欽派大臣。以便屆期商辦一摺。奉

旨該衙門議奏。單併發欽此。臣等伏查日本額請通商一案。上年

欽奉

諭旨。派李鴻章為全權大臣。辦理日本通商條約事務。嗣經李鴻章與日本使臣將兩國修好條規通商章程。會同議定。書押鈴印。一律完竣。該使臣復來京敬獻方物。均經直隸督臣李鴻章及臣等隨時奏明。上年四月。該國使臣柳原前光。復至津門。商求酌改。又經李鴻章督同津海關道等。再三辯駁。該使臣旋即回國。亦經直隸督臣李鴻章具奏在案。茲日本國既派使臣來津換約。自應按照各國換約成案。豫請

欽派大臣。查兩國條規章程。早經李鴻章與該國使臣商定。此次

該使臣照會詞意均極恭謹。將來屆期互換。自可順理成
章。惟觀本國書一節。誠如李鴻章所奏。須得密為籌議。應
於換約時體察情形。妥慎酌辦。直隸督臣李鴻章係與日
本使臣會議條約之員。現該國特派使臣來津換約。臣等
擬請就近仍

派李鴻章與日本使臣將上年所立條約彼此互換。如蒙

俞允。即由臣衙門將日本國合訂修好條規二本照案咨送內閣。

恭用

御覽。發交李鴻章祇領照辦。所有遵議請
旨派員與日本國換約緣由。謹繕摺具奏。

諭內閣著派李鴻章將與日本國所立條約妥為互換

諭軍機大臣等總理各國事務衙門奏請派員辦理日本國換約事宜一摺日本國通商條約上年經李鴻章與該國使臣會同議定茲該國派使臣來津換約著派李鴻章將上年所立條約妥為互換其條規二本即由總理各國事務衙門發交李鴻章祇領照辦其覲奉圖書一節著李鴻章於換約時體察情形妥慎酌辦本日諭旨一道一併發往如該使索看憑據著李鴻章另行恭錄給與閱看俟換約事畢此旨仍繳還軍機處備查

庚子閏浙總督李鶴年福建巡撫王凱奏奏福建水師提

督李成謀奉

旨調補長江水師提督所遺提督篆經臣李鶴年遵委福甯鎮總兵羅大春接署惟李成謀前蒙

簡派統領輪船現因調補長江距閩較遠勢難兼顧咨請遴員接辦前來查輪船統領責任甚重必須大員經理方足以壯聲威現署提臣羅大春在閩年久熟悉情形以之接辦可期勝任臣等與總理船政前江西撫臣沈葆楨函商意見相同可否卽令羅大春統領輪船以專責成伏候

聖裁

諭軍機大臣等李鶴年王凱奏奏請飭署任提督統領輪船等語提督李成謀現在調補長江水師提督輪船事務勢難兼顧李

鶴年等以署提督羅大春在閩年久熟悉情形。擬令該員接統。著卽照所請。所有輪船統領應辦事宜。卽責成該署提督經理。務令隨時校閱。俾臻嫻熟。沈葆楨現已到工任事。亦當隨時查察。督飭認真妥辦。毋稍懈弛。

甲辰總理各國事務恭親王等奏。上年十二月二十四日。臣衙門接據美國使臣傑斐迪照會。稱瑞威暨瑞威國君主查理在本國長逝。所有瑞威暨瑞威國君主之位。當為君卽君主位。其禮已成。已由臣等給與美國使臣照覆。謹隨摺具陳。

御批知道了。

二月癸丑署伊犁將軍烏里雅蘇台參贊大臣榮全奏竊
粵於本年十一月初二日接准總理各國事務衙門來函
俄國博大臣到京與我王大臣面議與前在俄境所議之
詞略同欲交伊犁要我給一照會永保邊境無事。幾經辯
論擬仍照六月定議辦理並倭公使有俄國另派大臣來
議之說令粵仍查照前寄節略信函斟酌情形相機籌辦
並令粵在塔聯絡民團訓練索倫等兵熟籌一切各等因
粵當即行文阿爾瑪圖俄官定期約地再為面議並詢以
是否另派使臣早為見覆以便接收伊犁以敦素好等語

行文去後迄今尚無回音。適於十一月二十三。日接阿爾瑪圖俄官署回畢那圖爾來咨。內稱俄國現在伊犁住兵。所有人民。貴將軍暫勿庸管。所向各官。攤派銀兩。係奉我國旨意。並大臣等諭。繞行攤派。若你們大官不遵我們之諭。日後必治重罪等情前來。並聞該夷有明年東進之說。努伏查自我。

國初俄羅斯盟聘以來。至今二百餘年。中間雖小有參差。始終未大決裂。今該夷東陳。挾我之伊犁以難我。若但有所要求。

朝廷念邊計之重。在所不恤。疆臣思時際之難。亦不敢倚事。

其如該夷始終情詞閃爍。總不露要求情形。或言我兵單
不宜遠征。或欲交伊犁。先與立永保無事字據。種種刁難。
迥非肯交伊犁之意。每與議事。屢問瑪納斯何時可竣。不
然。伊犁即代復。北而烏科等處。南而哈密巴里坤。以及喀什
噶爾。均與通商。包藏禍心。已屬顯然。前因英廉等駐隊庫
爾喀喇烏蘇。有驅逐之詞。今因攤派銀兩。如官不遵。又有
治罪之語。其勢岌岌。萌芽已露。竊逆探其志。不止在要求
重幣。亦不僅竊據伊犁。將盡新疆之地。皆為己有。而後已。
所以延宕不決者。恐絕好而我先有備。姑為含糊之詞。內
而簡兵集餉。外而煽惑離間。並潛結回匪。使其歸己。以助

其勢而我不乘此禍變未起思慮豫防待其勢已成長驅
大進則瑪納斯烏嚕木齊均為掌中之物其時已哈一帶
以及嘉峪關並烏科等處均恐震動此變實非淺鮮竊聞
明者遠見於未萌智者防患於無形今變機已動不可不
極為豫備兵法云勿恃其來恃吾有以待之現在新疆之
深患不在回逆而在俄人不在畏俄人之強而在我兵餉
兩絀倉猝無以措手苟每念及此恆終夜不寐五內如焚
一旦有事捐軀絕後幸也其如

國事何展轉究圖目今當務之急莫先籌兵調客兵不如集
民團民皆土著之人舉賊情之虛實地勢之險夷均所素

習伊等之父母妻子被賊殘殺田產廬舍被賊焚燬共切
同仇豈甘淪於異域用以擊賊必得死力但僅用民間若
無大軍振懾又恐尾大不掉勢必於民困之外仍調內地
實在得力勁旅一二支先壯聲威而作士氣藉以強幹弱
枝控馭團勇始不至別有事端但遠道進兵本非易事若
待甘肅一律肅清亦屬緩不濟急查內地軍務業經告竣
稍悍官兵練勇正復不少若寬備駝馬厚其行裝令各自
行裹帶設法前來三四千名諒亦不甚棘手第籌兵必先
籌餉擘前撥官兵錢糧並擬雜款每月需用銀一萬三千
兩請由神機營派員解送來咨招練民勇請由戶部撥有

著之款三十萬兩。因各省協餉銀報解寥寥無可指名往催。請將直隸山西河南三省協餉。劃為伊犁專餉。均已奏明在案。現尚未奉

批。迺查用兵之要。莫要於餉。餉不足而先集兵。是階之為厲。不戢必將自焚。伊犁迤東直至哈密。游民甚多。招而致之。敢死壯士。不乏其人。特皆患難之餘。恆產蕩然。若使枵腹待斃。設有疏虞。大局又將奈何。作事謀始。必得實有此餉。始敢實有此兵。新疆昔本殷富。無如重資久已歸賊。既不能如口內之可以就地籌款。則餉之一事。勢不能不仰賴內地之各省。而各省不知邊外緩急。每於奉撥要餉。恆以一紙

塞責。就令有著之款。亦不能逐續解來。派員請領。往返經年。文移咨催。置之罔應。違計重大。若事情協餉。終必至於貽誤。豈不揣冒昧。合無仰懇

天恩。飭下廷臣速賜妥議。萬勿拘執常見。若俄人得勢。西北沿邊所費更鉅。可否將山西。河南。直隸。三省所協。每月三萬五千之餉。由戶部先撥現款。分批交神機營。與前請每月一萬三千兩之項。一併次第解來。源源接濟。以應急需。其各省應協之餉。今該督撫陸續解交戶部。以補其數。一將移開部款。仍不致虧。而於邊疆大局。實有裨益。豈不致掣肘。簡拔精銳。即可建瓴直下。進攻瑪那斯。先滅回匪。以正叛

逆之罪。回匪滅。則俄人氣沮。庶新疆全局可冀無虞。而伊犁之事。始能就範。總之中外大計。重在懷柔。不宜釁自我。生。然必須重威以鎮之。使其奸謀詭計。有所憚而不敢發。自古善邊。能守而後可戰。能戰而後可和。計不能不出此也。

榮全又奏。竊才自咸豐十一年在任邊疆。迄今已閱十二寒暑。因疊遭顛沛。並連年奔走外國。感受山嵐瘴氣風寒暑溼。得有腰肢疼痛兩脅抽掣之疾。時發時愈。上年九月帶兵西進。正值三九。雖腰疾偶發。尚堪努力支持。至本年四月在俄國色爾賓鄂善勒。與俄官議事未成。氣衝肝經。

兩脇悶痛。難以轉側。因事務維艱。不敢稍惜身命。勉強支
撐。不意入冬以來。病益加劇。近復步履不便。兩脇抽痛。徹
夜不眠。加以心神恍惚。遇事健忘。竟成怔忡之病。伏思現
在時勢。伊犁大事。尚無頭緒。新疆各城。收復無期。正臣子
枕戈待旦之時。况勞世受

國恩。極為深重。豈忘區區犬馬之忱。奈病體纏綿。日甚一日。
前此腰背疼痛。尚可日竭心思。茲則證成怔忡。遇事即形
昏亂。欲言則喑。欲謀則昏。地處極邊。苦無醫藥。若非向內
地就醫。病勢萬難輕減。設從此貽誤事機。所關匪細。愁急
萬分。惟有據實陳明。籲懇

天恩俯准。蒙開缺。得以進京就醫。安心調養。仰託
聖恩。稍能痊可。趕卽泥首。

宮門求

賞差使。斷不敢稍耽安逸。自外

生成。如蒙

俞允。所有伊犁將軍印務。並烏里雅蘇台參贊。懇

恩。迅簡派大員。以重職守。

榮全又奏。再因病懇

恩。俯准開缺調理。自應恭候

批。迺正繕摺聞。倍覺神昏氣促。幾不自持。僕萬不獲已。擬將伊

伊犁將軍印務酌派大員暫行代理一面起程進京就醫以期身存再圖振竅豫計如斯但一息尚存仍當力疾趨公
伏候

聖恩迅簡大員前來接辦斷不敢冒昧啟行合片附陳

揄軍機大臣等。崇全奏俄情叵測餉絀兵單。豫籌辦法一摺。崇全接到俄官來咨。不令管理伊犁人民。並攤派伊犁官員銀兩。不遵卽治其罪。且傳聞有東進之說。窺視瑪納斯等處。包藏禍心。大局何堪設想。崇全豫籌防範。以調兵必先集團。餉項支絀。各省振解寥寥。自係實在情形。所請將山西等省月協餉銀三萬五千兩。由戶部先撥現款。批交神機營與前請每月一萬三千

兩之餉源源解濟再令各該省將應協之餉解運部庫等語著
戶部叢議具奏俄情叵測該署將軍務當臨機應變妥籌挽回
補救之方一面將調兵集團及進兵道路並運解軍火各事宜
先行妥為布置以圖進取俟戶部議定後如何籌濟餉需即行
諭知該署將軍遵照辦理另摺奏因病懇請開缺又片奏病如
增劇擬先赴京就醫各等語榮全宣力邊疆歷有年所且數年
來備嘗艱苦茲因積勞病發懇請開缺座念殊深惟現在新疆
各城未復伊犁之事辦理甚形棘手非熟悉該處情形者斷難
勝任榮全當力疾從公以副委任未可遽萌退志著加恩賞假
一箇月在營調理毋庸開缺刻下事關緊要接替之人不得率

行起程回京。致誤市機。

庚申。山東巡撫丁寶楨奏。本省傳教之法國主教顧立爵。索稱接該國住京使臣函稱。以

大清國

大皇帝於本年正月二十六日

親臨國政等因。欽主教竊思

大皇帝親政在中國文武官員。自皆慶賀。該主教係遠方之臣。履

中華之地。亦宜禮冠慶賀。擬於正月二十六日。按照該國

禮儀。在該教堂衣冠敬謹行禮。慶祝

大皇帝萬壽無疆。是否可行。即請覈示遵辦等情。臣查該主教顧

立爵歸化輸城情詞懇切且其自稱在該教堂衣冠行禮敬謹叩願尤見恪遵體制向義可嘉正應俯如所請准其自在該堂敬謹行禮以副

聖主德綏威服之至意

硃批該衙門知道

乙丑閩浙總督署福州將軍李鶴年福建巡撫王凱泰總理船政前江西巡撫沈葆楨奏竊臣鶴年臣凱泰於同治十一年十二月二十日准戶部咨奉部議覆陝甘總督左宗棠奏閩省輪船經費不敷請於該省應解甘餉內酌撥一摺閩省造船經費前據英桂等奏每月章程不過四萬

兩留撥閩海關銀五萬兩已屬寬為籌備究竟大小船隻
每隻需銀若干每月經費實需銀若干並成造後管駕員
弁薪費若干請

飭下福州將軍閩浙總督福建巡撫覈實估計奏報到日再由臣
等酌覈等因奉

旨依議欽此查左宗棠之議立船政中國無一人曾身歷其事
者不得不問諸洋將其約自俄廠開工之日起立限五年
成船一十六號估費三百萬兩雖中外員匠有生熟巧拙
之殊鋼鐵木料有貴賤之異零星物件外國取諸市肆而
皆此中國非一一本廠自造即購諸重洋然所估之數尚

不甚相遠。至以結款四十萬兩為購器募匠買地建廠之需。則昔之所估與今之所費大相懸絕。專就建廠而論。一椽木至一瓦木處。第購民四釘木松。培山七。地基甫固。而所費已不貲矣。蓋洋將所見者外國已成之廠。而未見當日經營締造之艱難。所以臣孫毓初次任事時。卽有應辦工程應發款項多從前未經議及之奏也。原議鑄鐵為一廠。打鐵為一廠。模子為一廠。水缸兼打銅為一廠。輪機兼合攪為一廠。合共五廠。後增拉鐵鏈鐵鐘表帆纜火板船板六廠。而打鐵輪機鐘表又各有分廠。計船臺三座。船亭五座。船槽一座外。凡為廠一十有四。原議學堂兩所。後添

繪事院駕駛學堂管輪學堂藝圃四所。臣孫毓汶等。均係
不容己之需。悚遵。我

皇上勉為其難。毋得瞻前顧後之

言。不追絕其原估之疏漏。而務責其全局之必成。所有添設緣由

均經奏明在案。會於同治八年正月初一日起限。實則十

年秋間。廠工始畢。購器建廠。費百餘萬。此結款不敷。即用

月款之實在情形也。添廠則添機器。添匠丁。並添工費。原

議監督暨洋員匠三十八員名。月薪費銀八千九百七十

八兩。嗣增拉鐵。拉鐵洋匠銀四百兩。監造工程洋匠銀五

百兩。駕駛管輪教習銀七百五十兩。教造船上鐘表洋匠

銀四百四十兩。德克碑教練公費銀五十兩。各洋匠夜課
藝徒讀書銀二百兩。洋匠禮拜加工夜作加工銀六七百
兩不等。中國匠丁人數亦逐歲隨之而增。原議兩學堂藝
童六十人。今則藝童藝徒合三百餘人。始也月給膳銀四
兩。學業日進。則膳銀日增。其自南洋來通外國言語文字
略知機器之學者。膳銀月數十金。此月款始而充。繼而
支絀之實在情形也。成船日多。票稅日絀。十一年所入票
稅僅七萬兩。按月勻算。得五千餘兩。就分撥各省後。日下
閩省存船計之。楊武新費月番銀三千二百五十兩。萬年
清飛雲月各二十一。一百二十六兩五錢。建成練船月一千

四百八兩四錢。鎮海水師船月六百四十八兩八錢。共者銀九十五百六十兩二錢。折紋銀八十六百九十一兩九分一釐。而煤炭之費。修理之費。不與焉。且分撥各省輪船。均須在閩教練數月。此數月之薪費。不得不出於此。此養船經費不敷。因而昨用月款。致月款愈絀。之實在情形也。每船工料價銀若干。驟難一一釐析。日等謹就每月額定經費計之。洋員匠薪費約一萬二千兩。監工員紳薪水暨書役工伙約一千二百餘兩。各匠工食約一萬五十餘兩。使丁運夫挑工口糧約四千三百九十餘兩。藝童膳養約八百八十餘兩。藝徒辛工約八百一十兩零。通事辛工約

九十兩各船薪費。八千六百九十一兩零。共三萬九千餘兩。而歷年採辦大小料件。勻月牽算。數與相當。蓋每月實不敷銀二萬餘兩。合無仰懇

天恩。准自本年正月為始。每月添撥銀二萬兩。臣等再行極力撙節。以收垂成之功。俟限滿。將撥回此二萬之款。即行停撥。臣愚昧之見。是否有當。謹會同陝甘總督臣左宗棠合詞具陳。

硃批。該衙門議奏。

李鶴年等人奏。再准江西撫臣劉坤一咨開。同治十一年

八月二十九日奉

上諭。劉坤一奏。近年來各省興辦善後工程。及造船修隄等因。欽此。臣等伏查船政需用各項料件。向係遠委委員親赴各處採辦。並給發免稅印照。逐一填明件數。以杜弊端。從無故不候稽查。夾帶私貨者。欽奉前因。自應遵照辦理。惟現在輪船經費支絀異常。著完一項稅釐。即多一項經費。合無仰懇

皇上俯念船政。係欽奉

特旨興辦事件。與尋常善後工程不同。且船政所需。經由洋稅關者多。過內地釐卡者百不及一。通商條約。外國師船駛入中國。修理船隻。不納各項稅餉。即洋商船用雜物。各口皆

准免稅。僅外藩遊。

寬大之典。而

天朝軍國重事。反不得與之一例辦理。恐於政體有妨。若新聞免稅。而內地完釐。則事涉兩歧。所得不過錐刀之末。恭輝諭旨。似為嚴杜夾帶私貨而言。並非於工程中之物料。計較釐稅。竊思印照。即連一填明件數。僅有夾帶。一經查驗。使水落石出。臣等當嚴飭採辦委員。及跟丁船戶人等。每過關卡。靜候查驗放行。僅有夾帶。營私各項情弊。察出立予盡法究辦。其船政物料。伏乞天恩。仍予免納稅釐。以資撙節。

硃批著照所請該部知道

李鶴年等又奏再聞省前因整頓水陸操防局存洋槍洋礮不敷撥用經前督臣英桂奏准委令補用副將賴長箐仿照外洋式樣設廠試造嗣經前兼署督臣文煜奏明將槍礮暫行停造專製自來水藥彈以資配用在案上年六月間准陝甘督臣左宗棠咨調該副將賴長箐遂於十一月二十七日帶同工匠機器乘坐官輪船由漢口取道入甯閩廠應卽停工所有廠屋機器等件由局派員看管其動用各款銀兩彙入善後案內造銷據閩省善後局司道詳請具奏前來臣等覆查無異除咨部查照外謹合詞附片

陳明

硃批知道了。

沈葆楨又奏閩廠七號八號九號輪船下水並十號十一號輪船起工。業經督撫臣節次奏明在案。此據提調夏獻綸稟稱第七號之揚武第八號之飛雲先後竣工出洋試演計順風順水揚武一時約行百里飛雲一時約行八十里。輪機靈捷礮位精良第九號之靖遠十號未畢。再需三四箇月方可出洋。第十號之振威十一年十一月十一日下水。第十一號之濟安十二月初四日下水。船身既竣。水缸爐爐機器等事。飭令次第安排。第十二號於九月二十

二日安上龍骨。目下船背甫腐。正在封釘舢板等語。臣視事後。察看飛雲工堅料實。與萬年清伏波安瀾相伯仲。而兵船之用。則以揚武為長。鑪座輪機。僅與水面相平。煙筒三節。可以隨意升降。利於避礮。本船配大礮十有三尊。利於攻敵。馬力加多。行駛尤速。然而造船之費。購礮之費。新糧之費。煤炭軍火之費。則不啻倍於飛雲矣。揚武所用多英國之前膛礮。摧堅及遠。迥異尋常。而靈巧則不如飛雲所用之布國後膛礮。蓋前膛礮藥藥裝子洗礮。均須人出船外。身當礮口。既慮敵礮見傷。又防餘藥遺患。後膛礮則裝放之時。敵人無從望見。而內膛螺絲中有無渣滓粘滯。

從後窺之使一目了然。惟打放數十次之後。即須暫停。否則恐其熱而炸裂。蓋靈巧與堅實。互有短長。在熟知其性者。舍所短而用所長。庶幾收其利。不受其害。第十二號輪船。擬名永保。馬力百五十匹。本與飛雲一律辦理。而養船經費。支絀異常。臣擬令監督日意格仿照外洋商船規制。將房間移建上層。俾中艙底艙地位寬闊。多裝貨物。以備招商試行領運。不苛繩以成法。冀收效於將來。如荷

恩俞。請將第十三十四十五等號輪船一體改造。廣闊閘之生計。節

國家之度支。然此第屬一時權宜。若經費漸裕。仍當仰體我

皇上力圖自強之意。講求兵船新法。以固疆圉而壯聲威。謹會同
陝甘總督臣左宗棠。閩浙總督兼署福州將軍臣李鶴年。
福建巡撫臣王凱奏。恭摺具陳。

硃批該衙門議奏。

沈葆楨又奏。再。臣於卹鈔中。伏讀同治十一年八月二十
二日。

上諭。水師所用。本以施舵放礮為優劣。何得藉口演習弓箭。致問
陸局之漸等因奉此。查輪船與長江水師。事同一律。所有
船上之官弁兵勇。應懇

天恩。准其免習弓箭。俾專心訓練槍礮。精益求精。

硃批著照所請○兵部知道○

乙巳大學士直隸總督李鴻章奏○欽奉正月十八日

諭旨○派辦日本換約事宜○原定條規二本○業經總理衙門發交祇
領○存俟照辦○該使臣去冬照會○本有來月下旬啟行之說○
前據上海委員探稱○該使知北河開冰較遲○擬於正月杪
由日本啟程○惟迄今未聞到滬確信○東津想需時日○現值
陵差伊通○臣職司守土○義應前驅○未便羈候貽誤○查日本使臣副
島種臣聲明○帶有隨員○外務大丞柳原前光等○多人○將來
臣與議辦各事○亦須通派司道大員襄助○以崇體制○茲查
有頭品頂戴前山東布政司潘鼎新○歷年統兵蘇滬○多與

洋人交涉熟悉機宜。二品銜津海關道陳銘。前奉

旨幫辦日本議約條理精當。該員等現駐津門。正可就近商辦一
以。若臣離津後。日本使臣早晚卽至。應令潘鼎新陳欽。妥
為接待。隨時體察情形。相機酌辦。仍俟臣差旋。再遵

旨將上年會議條規互換。庶臻周妥。

硃批知道了。

三月丙申。署伊犁將軍烏里雅蘇台參贊大臣榮全奏。竊
努前派筆帖式瑞福。駐紮伊犁附近之博勒塔。偵探情形。
並照料察哈爾等蒙古各事。茲於上年十二月二十八日
等日。該筆帖式偕同土爾扈特貝勒察哈爾左右翼總管

西湖鄉約等並伊犛滿營協領台芬著錫伯營領隊總管喀爾莽阿差人齎稟先後來塔據稱伊犛俄人現有一千餘眾尚無動靜日向索倫錫伯蒙漢人等勒索銀兩甚夥各營牲糧均已變價給交刻下萬分窘苦懇乞接濟前因兵民貧困該俄曾散口糧勸令歸順兵民不從亦不領糧惟盼大兵早到共圖收復應用駝馬該土爾扈特等情願供備纏頭被俄人蹂躪亦均極思效順等情稱述僉同本年正月初七日伊里纏頭色得克來塔據稱俄人攤派銀兩索娶婦女幼男種種酷虐四眾皆思

大皇帝之恩立誓反正遣人齎稟被俄人知覺於途次追回將稟

焚毀伊特來泣訴等語。詢之喀總管差來之驍騎校烏勒
登等。係屬實情。等聞悉之下。益切焦灼。餉絀兵單。不能輕
進。正躊躇間。適俄國阿爾瑪圖來文。內稱接貴將軍來咨。
約會定議。還復伊犁一事。我們並未接到本國公文。又咨
稱貴將軍接濟錫伯銀兩。應先知會我們。若兩國照管。使
人心分二。必致壞事。嗣後伊犁人眾。你們勿庸照管等情。
前來。等當即咨覆錫伯。係我們之人。現在窮苦。我們原該
接濟。以免失所。我們接濟於他。焉能壞事。以後我們接濟
我們之人。俄國勿庸管理。又據咨稱俄國商人前往瑪納
斯貿易。於十月初六日被徐學功刁搶殺傷俄人五十餘

名等語。掌珠為詫異。當即咨覆。自回匪變亂以來。我們新疆數十城失守。官民被其殺傷無數。貴國亦所聞知。瑪納斯是其賊巢。屢勸你們毋往。原是好意。我們本國人尚不敢往。況你們遠來之人。遭此殘苦。除已行文嚴查。是否我們之人。膽敢行兇。抑係被賊搶劫。定行嚴辦。現在我們景都統東路進兵。攻賊正緊。賊勢甚急。再不可令你們商人東去。致誤性命等語。去後。一面趕緊行查。再為酌量辦理。據沙山子約總趙興體報稱。瑪納斯回逆前被烏嚕木齊鯨長攻殺情急。向該國乞和求援。該國派勇目陳鳳鳴。回積槽前往答話。被回逆偽五元帥馬伏沅戕害。伊等聞信。

忿恨率眾戮於林木葦溝處殺其撫探人眾追至瑪納斯
伯城接仗回眾知由馬伏沅起蒙當將該逆全家抄襲拏
獲同惡丁萬伙馬勝第鄉獻乞降惟馬伏沅帶傷走脫投
誠真偽仍無把握等情具報前來竊查俄人來文定議還
復伊犁推稱並未奉到公文仍是延宕故智日復一日彼
兵力足而後思逞且有該國運送槍礮赴喀什喀爾打仗
之語酷斂伊犁人眾銀兩又阻我不令接濟無非日偏兵
民憔悴伊復施惠以收人心其術險惡已露徐學功殺傷
俄人一層是否回匪冒名搶劫抑係百姓恨其濟賊殺以
洩忿均未可知至趙興體與瑪納斯回逆互殺雖屬私憤

而賊勢已見稍蹙。但僅解數人乞降。真偽誠不可信。况首
惡稱已脫網。該逆詭譎。胥素所深悉。兵家不求倖。迄今我
官兵僅有數百。餉項支絀。懸全待。窺索倫人等軍械不全。
雖有可進之機。奈無可進之力。若行險徼幸。就令伊犁可
入。回逆可信。而我兵力不能兼顧。難保俄夷不有詭謀。回
逆素非善類。未受懲創。降而復叛。是其長技。加以盤夷尚
踞烏嚕木齊。勦撫仍無端。他後路空虛。熟籌審計。惟盼餉
項早到。召練土兵。仍須內地實在久經戰陣。勁旅三四千
名。迅速前來。始望一鼓而定。機不可失。時不再來。胥不勝
焦切之至。

諭軍機大臣等。禁全奏伊犁兵民盼救。并陳伊犁等處情形一摺。俄人之在伊犁者。現有一千餘名。日向索倫錫伯蒙漢人等。勒索銀糧。蒙漢人等窘苦。盼救甚殷。據頭色保克等。亦受俄人酷虐。情願反正歸誠。機有可乘。禁全當隨時設法。妥為拊循。以便相機進取。至禁全接濟錫伯銀兩。俄官來咨。不令管理。殊屬狡橫。禁全咨覆。謂錫伯係中國管轄之人。應由中國接濟。俄國勿庸管理。義正詞嚴。所辨甚是。惟俄情叵測。恐不可以理喻。且又有運送槍礮赴喀什喀爾之說。禁全務當臨機應變。力籌挽回補救之方。一面將調兵集團及疏通道路。運解軍火各事宜。妥為布置。用赴事機。俄商前往瑪納斯貿易。中途殺傷五十餘人。

是否回匪冒名搶劫抑係百姓恨其溝賊殺以洩忿著榮全確
切查明據實具奏趙興體與瑪納斯回匪互殺賊勢似可稍蹙
第首逆馬伏沅漏網而投誠之說又未可深信榮全仍當妥慎
籌辦隨時咨商榮廉激勵士卒設法進兵連將烏魯木齊及瑪
納斯等處戡定庶可併力西進較之徵調內地兵勇難易遲速
判若天淵該著將軍想能體會此意也

總理各國事務恭親王等奏竊臣等於本年正月二十七
日據俄德美英法國各使臣聯銜照會內稱恭逢

大皇帝親裁大政若不請

准立將各國慶祝而達

聖聽則膺使任者難免失職之愆合希奏請

聖裁降旨召見以中道懷等情正籌議間又於二月初七日仍前
連銜照會請定何日何處晤談伏查各使臣等慶賀情殷
固由於就日瞻雲之切而中外地隔良不免禮儀習俗之
殊是以十數年籌議及此每以禮節不同彼此議論未合
此次各使臣之請誠屬積念已久執詞甚堅經臣等辨給
照覆並訂期屢次晤論總以禮節應先議定則入告始有
可憑再三執辦各使臣等雖極懷額

覲之誠而於中國跪拜禮節未肯照行事關中外大局應否

飭下廷臣會議恭候

訓示遵行謹繕摺具情上陳並鈔錄來往照會三件恭呈

御覽

硃批。朝覲應議事宜著該衙門妥議具奏

英法俄美德國照會

為照會事照得本大臣等昨准貴親王通行照會內以現

今恭遞

大清國

大皇帝克年鼎盛。已於同治十二年正月二十六日

親裁大政等因。准到本大臣等竊思章茲

盛典。實開中華

納福之源。仰懇斯美。如弗請。

准立將各國慶忱。而奏則庸使任者。何免失職之愆。合布貴親王。即將各大臣等所有面慶之公意。奏請。

大皇帝聖裁。

欽定降旨召見。以中達懷可也。為此照覆。

英法俄美德國照會

為再行照覆事。本大臣等請貴親王。即將面慶之公意。奏請。

大皇帝降旨召見。以中達懷等情。會同照覆去後。嗣接貴署列位。

大臣函達。正擬同赴各館面談一切。適文中堂身體違和。

是以暫遲數日等情。惟此因念文中堂此疾纏綿。本大臣等深覺弗安。惟因情事切要。是以特用聯銜。指為緊急之據。請貴親王定期集。臨係在何日。何處示復。以便本大臣等共聚遵行可也。為此再行照覆。

給英法俄美德國照會

為照覆事。准諸位貴大臣聯銜照會。內開現今恭遇

大清國

大皇帝親裁大政。希將面慶公意奏請。

大皇帝聖裁。

欽定降旨召見。以申遠懷等因。又於本月初七日。復准照會。請定

何日何處晤談本爵查係關係緊要之件現定於本月十三日一點鐘先由本衙門大臣文中堂暨各大臣赴倭大臣處與諸位貴大臣晤談一切卽希諸位貴大臣屆期於倭大臣處齊集是盼除由本衙門各大臣先行函致外相應照覆

恭親王等又奏再查覲見之事載在咸豐八年所定條約卽覲見二字而論自係尊崇中國之意從前各國使臣時嘗論及臣等因中外禮節不同難於定議各國使臣每謂該國向無拜跪考之各家記載亦謂其國不習此儀凡臣下見君以免冠俯首立地而叩為敬卽臣衙門奏派志恩

孫家穀出使各國暨臣崇厚出使法國亦均主而見之同治六年豫籌修約臣等將此事面商各督撫將軍大臣擬令酌中定禮嗣據曾國藩李鴻章左宗棠條復以敵國使臣不必強以所難英約中載明礙於國體之禮是不可行其不肯拜跪已有成議並謂酌中定制於義無取等語此時各疆吏有謂

皇上尚未親政可以正言阻拒者臣等因此論仍係不許之語從未據以駁辦惟以應候

聖裁應先議禮為說此次聯銜照會詞意俱屬恭順雖未便遽加拒絕阻其恭敬之忱亦不得不迎機以導仍就禮節與之

熟商力爭彼謂條約中有礙於國體之禮為不可行則告以礙於中國

國體亦不可行彼謂條約允以優待則告以中國相待能優於禮之中不能優於禮之外彼謂惟拜跪之禮有礙國體者不能行此外均可商酌則告以惟拜跪之禮最關中國國體首先議定此外始可從容擬議如以擊跪百端反復辯詰幾於舌敝唇焦辯論既久各使臣謂我等五人非敢固執惟本國向無此禮如一經拜跪即不得為本國之人其詞頗為迫切臣等原知彼國從未糊習之禮未易強以必行而藉筆舌之力如能就我範圍固於體制較免窒礙亦

藉以折其虛憍桀驁之氣。且使彼之所謂外國制度。君臣並立相見。及各國使臣代其國主行事。如其國主親來。各等非理之說。無可乘間置喙。今歷次辨詰後。彼等於前項非禮之說。不復引援。復於彼國親見常禮。免冠三鞠躬者。願為免冠五鞠躬。所謂鞠躬。卽彼國俯首立地而叩之禮。茲擬倍加恭敬。以將其誠。並聲明於

親見時。由在前一員奉詞稱頌。復將所奏之詞。先期知照。臣衙門以見並無妄瀆。其意若以該使臣等如此盡禮。僕再不准舉行。是中國不能以禮待人。勢將執為口實。臣等竊思咸豐八年所定條約。業經奉

旨允准約內覲見一節。庚中之事。各國皆以之藉口。今各使臣復
竭誠籲請。臣等仍不能不與往返辨論。謹鈔錄來往節略
共四件。併附片密陳。

硃批知道了。

各國節略

外國使臣

覲見一節。其理較條約增隆。蓋品級崇重使臣。肅有國書。進入他
國。係兩邦和睦之證。他國不見係和睦不睦之據。咸豐八
年所定條約第四款內。載泰西各國於此等大臣。向為合
宜。例准應有優待之處。皆一律行辦等因。茲在泰西各國。

向為例准應有優待之處

覲見之禮最為崇巨准否施行有詳漢之萬國公法一書可稽中國各大臣向已披閱各國使臣進京常位雖歷次而論因大皇帝尚未親政未欲切請至

親政之日不能不請舉辦十數年扣各國大臣向總理衙門言及匪止一次

大清

欽差大臣蒲前往各國美法兩國總理各國事務大臣等前後兩

文均言

撤簾後不能不切請

覲見在案。本年正月二十一日。總理衙門函致德國大臣李本
音。備文為李大臣未進重書緣由。回文當經李大臣告以
覲見事宜。數日外。自不能不特提。及竊念總理衙門既係奉
旨備文。尚未交德國李大臣收受。自必復

命。總署可否轉示。

繪音如何下達。以便敬悉。若

覲見之禮。中國以為難者。在於節文。而外國見他國君上之節。中
國未辦。中國以為外國使臣。既未有代本國之權。前往某
國。料想應與某國之君平行。焉有新理接見之禮。某國君
上坐立自便。適有優顧。賜坐。或賜茶酒。抑或別用榮異。均

君恩非應討請。若謂奏請各國使臣入朝見上之際。每有請安奏賀數語。自亦不敢首先論及事務。蓋凡公務。國主若肯首先問及。應聽主張。奏對之後。使臣如欲續奏。抑或於國主未問之先。遽然奏陳國主。亦可以禮卻謝。斯乃自然之理。此次

大清

大皇帝召見使臣。大約以入華資深之員。領班代各同僚奏請。僕玉音另詢他臣恭候。

清所部意必係如此辦理。現在各國因條約中尚有未盡守之處。中國形似格拒違人。為此疑慮。各國使臣一奉

召見可知中國於西國與外夷友邦與屬國實爲分晰各國聞悉
疑必解釋斯疑一解友誼增敦於中國豈無宜益蓋中國
之難匪但在外內地雖已漸平尚有難辦之處若失好外
國則內地之難當必加倍總之見使之舉中國願行要在
迅速中國自古以來恆有成見外國使臣均已悉知此次
覲見自不能無改行之議各國使臣一視中國並無必討有礙外
國體制之心則必有設法通融相讓分際國免拂性之傷
覆各國節略

本年正月二十七日二月初七日疊接各大臣公照會稱
我

大皇帝親政請

召見各國大臣並示期集議等情當於本月十三十六兩次晤談
十三日咸大臣暨各大臣又面交節略一件本王大臣均
經閱悉內稱咸豐八年所定條約第四款載泰西各國於
此等大臣例准應有優待之處皆一律行辦等因是

覲見卽中國優待各國使臣之禮自當設法舉行並應由中國自
行舉辦庶彼此均為得體各大臣亦明此意從前並有向
本大臣等談及者乃正月二十六日我

大皇帝甫行親政大典二十七日已接各大臣請

覲照會與從前自行舉辦之說不符各大臣試為中國計之將何

以處此又稱本年正月二十一日。本署函致李大臣等。因
此事本王大臣因去冬李大臣錄送國書。查從前德國知
照更明國號成案。奏明辦理。事在正月二十六日以前。與
現議事宜不同。又稱中國以為外國使臣。既奉有代本國
之權。前往某國。應與某國之君平行。焉有斯理等國平行
之說。各大臣有言之者矣。安得不令人生疑。現節略內既
云。焉有斯理。則辨可為明辨。又前日各大臣談及條約內
與國二字。中國終未明白等因。其實中國從前非無與國
也。即如俄國與中國久為友邦。當時

觀此。我在典冊。人人知之。儻如各大臣今日所云。將謂當日中國

之待俄國。非與國耶。否則今日泰西各國。又視中國為非
與國耶。又稱必如此辦理。各國之疑解釋。友誼增敦等語。
本王大臣固所深知。並嘗與各大臣言及中外之交。日深
一日。卽未能就辦。亦不必疑為格拒。緣自和好以來。彼此
違約而行。如中國康熙年間。使臣至俄。俄國亦未嘗思這
今二百年和好如初。中國從不疑其相拒。可為明證。蓋兩
不相猜。自一無所難。其疑不待今日而始解。其好亦不因
此事而失也。總之此事中國非不願行。所以要彼此熟商
者。亦深望其有成。如第以速行奏請為盡心。本王大臣無
難照辦。所恐據情上達之後。能行固好。不能卽無可轉圜。

本王大臣之責雖易塞本王大臣之心不肯以是為安所
擬禮節正是酌乎其中中與外均無妨礙並非專為中國
一邊設想中國一俟各大臣並無必謂有礙中國體制之
心即可從容易辦各大臣見事極明又皆熟悉中國情形
都盡詳察焉

各國節略

覲見一節原係和睦之舉天下友邦無論有無條約恆皆相親英
國條約第四次內載泰西各國於此等大臣向為合宜例
准應有優待之處皆一律行辦云云屢次承教以各國使
臣會銜行文恭請

召見似乎意外之事。諸節均未豫定。溯查咸豐十年英法兩國換約以來。恆及斯事。匪但泰西各國來使在總署屢次論及。而同治六年九月十五日所奉

上諭亦曾妥籌萬全。欽遵在案。又於同治六年十一月十二日。美國大臣蒲奉

命前往有約各國。一時同

派三人恭親王通行各國大臣照會。內載查兩國和好。泰西各國本有互派使臣之事。茲中國與貴國和好有年。早應

特派大臣前往辦理交涉事件。惟因各國言語風俗尚未諳習。是以遲遲。今因蒲大臣公正和平。熟悉中外情形。願代中國

辦事且為中國所素信。是以奏請

派為前往有約各國之

欽差大臣。以柏德為左右協理。襄辦其事。以專責成。惟中國若無
大員前往。則將來仍不能諧習本

使之事。是以復請

欽派志大臣。孫大臣為

欽差。一同前往等情。內中所指中國有欲諧習本

使事宜之意。此句最為緊要。嗣經

欽差蒲大臣等。所至各國。皆以敵體相見。彼時所有各國召見禮

節。諒志孫二大臣。必行違為度。尤可據者。中國使臣抵

美國時有總理各國事務丞相奏咨後內以住華使臣
覲見之處暫於

垂簾未撤之間僅度弗詢迄至

大皇帝親政之日再為舉行旋於抵法國時亦有總理各國事務
承辦拉咨文內以中國雖未舉行斯禮委因

大清

大皇帝歲在冲齡尚未親政斯語豫言庶免後誤即希轉為申明
入奏各等因茲

垂簾一撤

覲見之禮自不能不請興舉六年以來各國大臣進京皆屢向總

理衙門諭及卒至本年正月二十日○董崇夏大臣奉

諭恭備

圖書親送德國李大臣處李大臣因本國圖書尚未進

呈○無從收受○來便云現距

親政不過五六日○彼時

親見之禮○不能不為提及○以上均係先期論述之證○迨至正月二

十六日○恭逢

大皇帝親裁大政○同日恭親王知照各國大臣知悉○即於次日照

復○希將面慶公意奏請

召見○用伸達情○詎總著竟以事出創師○諸節均未豫備○嗣經屢次

面聆終以

覲見非願下跪難以舉行為詞答復外國使臣下跪未免礙於本國體制總署久已洞悉總署以使臣不跪礙於中國體制使臣以凡自主之國派使進華其

覲見之禮總須示嚴俾曉來使之本國係與中國平行非其下屬總署更以中國若依外國將

見上禮節更易則中華

國體必為百姓輕視而本署亦必被人譏訾據此中華

君上百地於凡天下諸國平行相待之處未明各國素以

覲見為緊要今更視為緊要矣蓋兩國原以友誼為言若接見之

禮各國素厭體制。仍欲必行。否則不准接見。則友誼豈非
虛誼。總之彼此兩國互派使臣。本為敦友之據。彼國使臣
到此國。以進見體制相礙。即不容見。與弗願接見何異。至
下跪一節。中華未能通融改易。則外國於本國之禮。亦可
酌議變更。中華若仍以使臣必須下跪。則再為將說。似未
免徒費日時矣。

復各國節略

二月二十三日。准貴大臣節略內開各情。仍述英約四款
優待之處云云。中國欲優待各國大臣。祇能將中國素有
之禮相待。不能以中國未有之禮相待。本爵已與諸位大

臣面述其詳。從前各國大臣。於此事屢經論及。本衙門各
大臣亦將中外禮節不同。須斟酌妥善之處。屢經論及。自
諸位大臣照會到後。凡所面議。並未謂此事之出於意外。
驚為創聞。而諸節不能不議之由。亦歷歷言之。所議禮節。
正係與國往來之禮。並非以屬國相視。前次所覆諸位大
臣節略。極為明晰。無庸複述。溯蒲大臣及志傑大臣。出使
之時。本衙門即豫給蒲大臣咨會。以中外禮節不同。中國
無論何時。國體總不能改。如泰西各國。有優待之處。中國
不能援照辦理等語相告。及至各國時。相待情形。係出自
各國之意。有謂中國雖未曾舉行。而本國自願辦理者。並

非謂中國之相強。今諸位大臣以中國曾經出使泰西各國。應明泰西與國往來之禮。諸位大臣在中國多年。當更深明中國向有之禮。及向共與國往來之禮。若謂蒲志孫大員在各國時。曾照各國之禮。則各國大臣在中國。亦照中國之禮。方為從宜從俗。蓋以

覲見一節。誠如貴大臣節略所云。係和睦之舉。乃於和好中更進一層。愈求和好之意。如以跪拜禮節。有礙貴國體制。難以照行。所言固為有理由。應即思

覲而不跪。有礙中國體制。中國亦未能照行。其論方為公允。今貴大臣於有礙貴國體制之處。則謂友誼豈非虛語。於有礙

中國體制之處。明知中國人人以為難。而謂係總署不
公允總之。

國體攸關之處。兩邊均應兼顧。祇求彼此無所妨礙。始可期
於有成。正因事之極為緊要。非欲事之歸於不辦也。諸位
大臣。皆深知中國情形。如果兩面俱顧。並設身處地。為中
國一想。為本王大臣一想。便可識本王大臣之苦心。而有
道焉。以處此矣。

恭親王等又奏。再臣衙門於三月初九日。接據德國使臣
李福斯照會。稱現擬由京起程回國。只因身體屢病。總未
大愈。於

觀典一事無關等因前來業經由臣等照案給與照覆附片陳明
硃批知道了

恭親王等又奏船政大臣沈葆楨奏酌改船式一摺同治
十二年二月十六日奉

硃批該衙門議奏欽此臣等查閩省設局造船創議於督臣左宗
棠該督於同治五年六月間奏辦之始其摺內曾聲明有
事之時以之籌調撥則百粵之船可集三韓並云成一船
卽練一船之兵可以布置沿海各口遼衛津沽等處復有
函致臣等謂輪船有明輪暗輪鐵底木底之分外洋兵船
多用暗輪木底取其穩固而便於修補此次開局試造取

暗輪不取明輪。取木底不取鐵底。蓋欲仿其圖自用之兵船等語。是該督所注意者。原重在兵船一層。同治十年四月。福州將軍文煜等奏第六號輪船擬名鎮海。第七號改造兵船情形。欽奉

上諭。閩省第六號輪船。現已購齊木料。且日開工。即著照文煜等所擬命名鎮海。至輪船之設。須礮位多。而馬力大。方能利涉波濤。制勝較有把握等因。仰見

皇上慎重海防至意。茲據沈葆楨奏稱。第七號之揚武。第八號之飛雲。先後竣工。第九號之靖元。需三四箇月出洋。第十號之振威。第十一號之濟安。亦俱先後下水。其第十二號輪

船擬名永保。本與飛雲一律辦理。因經費支絀。擬仿照外
洋商船規制。並請將第十三十四十五等號輪船一體改
造等語。自係一時權宜之計。查本年二月間。閩浙督臣李
鶴年等奏。閩省輪船經費不敷。請按月添撥等因。業經臣
衙門會同戶部奏准。除原有經費外。自同治十二年正月
起。由閩省茶稅項下按月提撥銀二萬兩在案。此後經費
當可無虞支絀。且等公同商酌。此次既據該大臣請將第
十二號至十五號輪船改造商船。係為撙節度支起見。應
如所請辦理。惟從第十六號起。應仍一律改造兵船。以無
失設廠造船力圖自強本意。至現在所造十二號輪船。擬

即照該大臣所請命名永保

硃批依議

烏魯木齊都統景康奏。前將俄商赴口貿易。劉飭前散統領並派員會同前往開導。諭令折回等因。奏

聞在案。茲於本年正月十六日。據統領孔才。金永清等稟稱。前奉劉令將俄國貿易商民。妥為開導。令其旋回。並飭護送出境。如有兵勇買過貨物。刻將價值清還。不准藉端刁難。少有拖欠。致貽笑外國等語。奉此。遵查俄商哈利等一行十七名。來古貿易。自入境後。統領等即派弁勇輪流稽查。照應居住六十餘日。並無爭鬭口角之事。本營兵勇亦無拖

欠貨銀情弊。統領等奉到後。即會同委員凌祥面為曉諭。以理開導。令其折回。該俄商等無不悅從。已於去歲十一月二十八日。攜帶貨物駝馬行李。自古起程。由北套橋蒙古地方折回。統領等復發給路票。派弁護送至漢三臺。去訖。等因。案報前來。旋據委員凌祥回。據案同前情。等覆查無異。理合附片奏

聞

硃批知道

丁酉翰林院代遞編修吳大澂奏。自英法各國通商以來。立有條約。凡中外交涉事宜。經總理各國事務衙門及各

口通商大臣奏公辦理不亢不卑泰西諸國得以相安其中苦心孤詣委曲周旋外廷臣工未能盡悉近聞道路傳言英國全權大臣力請入觐

天顏情詞懇切此洋人瞻就之誠恐難堅拒惟外國向無跪拜之禮而我

國定制從無不跪之臣若謂復禮與外藩不同必欲執泰西禮節行之於中國其勢萬不能行大

朝廷之禮迺

列祖

列宗所遺之制非

皇上一人所得而私也。若

殿陛之下。儼然有不跪之臣。不獨

國家無此政體。卽在廷議禮諸臣。問心何以自安。不獨廷臣
以為駭異。卽普天臣民之心。亦必憤懣而不平。卽

皇上招搖懷遠。示以大度。不難從一時之權。而

列祖

列宗二百餘年之舊制。又安可輕易乎。自古言禮。必曰從宜從俗。
中國出使之臣。在外國則行外國之禮。英法住京大臣。在
中國則行中國之禮。以此相責。兩言而決。洋人亦無辭可
辯。同治九年。崇厚奉

命出使法國。彼國如何優待之處。臣所不知。然必以彼國之待崇
厚者。待其使臣。是欲

皇上易

列祖

列宗之舊制。而為崇厚。圖報施之禮。有是理哉。臣恐此端一開。將
來中外交涉事宜。稍有齟齬。洋人必復請

召見出入

宮門。習以為常。而質廷節。毫無顧忌。屆時拒之。不可禁之。不
能。則總理各國事務王大臣等。種種為難之處。必有十倍
於今日者。與其貽悔於事後。不如防微於目前。至洋人狡

猶之情。處詞。誠所不免。不過藉此。以為談判之計。斷不肯以小節而開大釁。此尤無足深慮者。臣知總理各國事務王大臣等公忠體

國。夙夜籌思。必不遽遂其請。萬一挽回無術。不得已而請旨。遵行。伏願

皇上獨奮乾斷。堅持不允。以絕洋人覬覦之萌。以慰薄海臣民之望。

甲辰。廣西巡撫劉長佑奏。同治十二年三月初一日。臣接准越南國王咨呈。同治十一年十月。有法國領事官涂普義火船四艘。駛至該國廣安海口。稱奉雲南提臣馬如龍

委赴外洋採辦軍裝火器。取道該國赴澳。並有李玉璋鈔呈該提督十年七月劉文二件。字多訛誤。所述來歷。疑端不一。經該國長官將船阻截。咨臣暨大學士兩廣督臣瑞麟轉咨雲貴督臣查明咨覆。茲辦。並經兩官院咸具稟提臣馮子材就近審察。因滇省尚未咨覆。該領事涂普義等徑向駐太福之記名總兵陳得貴致函。該總兵據所持劉文。今將火船駛向河內。並劉該國省臣斐武堅知照等情。且接聞來咨。不勝駭異。查上年十一月准該國王前咨。臣以該船所載軍火等物。整係雲南提臣委辦。假道交處。應有滇省照會之文。且所持劉文。係同治十年七月之件。

不應遲至年餘之久。始至該國廣安海口。情詞多涉疑竇。當經飛咨督臣提臣一體查辦。並卽飛咨雲貴督臣劉牧。照查前項火船軍器。是否提臣馬如龍委辦。其徐普義及李玉屏有無列項情弊。迅速確查咨覆。旋經督臣亦以事屬可疑。咨滇確查在案。茲該國王來咨。謂總兵陳得貴有擅創南宮。飭火船潮流上駛之事。且未准提臣咨會。越南與法國近事。道路傳聞異辭。且已另摺密陳。未敢據此遽信為實。第陳得貴統領各營。駐紮太極。於中外交涉事。件自應就近具稟提臣。審慎妥辦。如果擅創南宮。殊屬謬妄。且已咨移提臣嚴督確查。另行據實懲辦。一面照覆該

國王並咨雲南督臣迅速查覆外。所有准咨查辦緣由謹附片陳奏。

諭軍機大臣等。劉長佑奏。接准越南咨呈。上年十月間。有法國領事官涂普義等。火船四隻。駛至該國廣安海。稱奉雲南提督馬如龍委赴外洋採辦軍裝火器。取道該國赴澳。並有李玉璠鈔呈該提督劉文二件。字多訛謬。所述來歷。疑端不一。經該國將船阻截。劉長佑現已飛咨雲貴總督查明覈辦等語。該船所載軍火等物。既稱係雲南提督委辦之件。何以並無滇省照會。所行劉文。又係同治十年七月所給。迨至年餘。始至該國。情節支離。亟應確查究辦。著劉長佑。岑毓英。迅即查明此項火船軍

器是否提督馬如龍委辦。其徐善義及李玉璠等。有無別項情
弊。速行根究。明確據實奏聞。卽一面咨明劉長佑。嚴行懲辦。

劉長佑又奏。越南連年用兵。國益貧弱。夷官束手無策。非
出資議撫。卽入關乞師。以是威柄寢微。版章日蹙。法國盤
食於滇海。黎裔虎視於橫山。補岡則白苗跳梁。尙奔則黃
英雄踞。戎兵莫諱。變亂繁興。積為苟安。其勢幾難從振。臣
自入粵省。確訪情形。與提臣馮子材。熟商進止。擬俟海太
事竣。卽調兵勇入關。就地設防。相機援剿。均經奏奉

諭旨。飭遵在案。嗣海太轄境。悉予拓清。而兵勇在防。驟難凱撤。復
經奏請酌留十營。疊次照催。派兵接戍。迄今又數月矣。不

但無兵接戍。猶須志不分。後且每聞咨。並情殊可憫。伏查越南之患。法國為最。黎高次之。白苗與黃英等。似尚無足深慮。近聞越南君臣。輸款法國。又云黃英各逃。受職黎高。雖係道聽之言。亦皆意中之事。臣竊謂黎高為患。越南受之。法國為患。不僅越南受之。今議以防為勦。無非為越南謀。而不欲以勦為防。實非僅為越南謀也。從臣馮子材果於任事。暗於察言。明知進勦之難。而嫌於無勇。明知設防之便。而又慮其同功。皆左右有亂聽聞。故詢謀輒煩。函牘現在。事局甫定。調度方殷。適值來警。遽思引疾。臣鑒於前事。商之同官。勸其留營。暫為調養。仍約以旋省面為計。商

如其決計言歸。再當遣員接辦。惟中外並顧。必文武兼資。勝任之第。實難其選。查候補道章遠。隴鎮安府趙沅。梧州府徐延旭。皆夙悉邊情。頗諳軍事。督勦或不足辦防。則有餘也。至越南素為恭順。粵西實與比鄰。苟可手援。斷難膜視。無如勤師至再。莫竟全功。卽欲畢力以圖。能無內顧。且愚昧之見。以為極敵扶衰。必須大舉深入。若合兩粵之力。寬以數年之期。步步設防。節節進剿。庶交夷可期。復振而他族不至生心。否則惟有慎固邊防。嚴杜勾結。如鎮安各營。疊獲入關招黨之匪。其明驗也。整飭軍旅。相機應援。如提臣此次分撥出關截賊之師。其明驗也。臣不敢偏執己

見有隘

皇仁第身任邊疆當力維全局謹附驛密陳

諭軍機大臣等劉長佑奏越南國勢未能自強援軍難以兼顧一
摺越南近日情形益加貧弱黎裔等患近在國中濱海地方又
為法國蠶食其勢岌岌幾難自存該國不能自強動招外侮在
中國撫綏藩服自難忍然第越境用兵可暫而不可久越南前
次變亂業經調兵深入援應以示懷柔若長恃中國兵加其勢
斷難兼顧兵法以速待勞自應先防後勦不宜舍己從人劉長
佑閱歷較深於此中機宜必能洞悉著隨時會商瑞麟統籌全
局慎重邊防

丙午。山東道監察御史吳鴻恩奏。

皇上親政以後。次第舉行典禮。

召見臣工。事事均復舊制。近聞英國全權大臣。有力請入覲。

天顏之事。並欲故外國禮。不拜不跪。議者紛紛。以為洋人果有瞻就之誠。當循拜跪之節。臣竊謂洋人既非嚮化之國。豈有瞻就之誠。不過欲親遞國書。以要求我。

皇上真心和好之懷。則今日所爭者。不在拜跪。而在乎可見與不可見。夫尊君親上者。臣下之至懷。杜漸防微者。朝廷之至計。咸豐庚申八月。變出非常。

文宗顯皇帝。巡幸木蘭。迺不得已之舉。旋以和約定後。尚有親

選國書一節未與洋人言明暫緩

回鑒仰見

先皇帝籌及萬鈞謀深慮遠

皇上繼承大統凡中外交涉事件皆由總理各國事務衙門王大臣及各口通商大臣等妥籌具奏恭候

聖裁自英法各國通商以來歷十餘年幸得相安無事在外國水敦和好國不必爭此儀節致啟中國臣民之疑在中國懷柔遠人委曲求鈞亦當稍存體制且恐此端一開得步進步將來窒礙難行之事難以面奏為請屆時急不先從必至決裂慎終於始洵不可不兼權而熟計之再溯查嘉慶

年開洋人入貢。因使臣不肯如禮朝覲。

仁宗睿皇帝特降敕諭。絕其朝貢。當時兵燹未聞。已有不能聽命者。況今倭為敵體之國。無論令其拜跪。未必肯從。即使先事勉強遵依。亦難保不臨時違抗。伏望

密諭總理各國事務衙門王大臣等。悉力堅拒。並請寄

諭直隸督臣李鴻章。反復開導。以遏禍萌。庶足慰

先皇帝在天之靈。天下幸甚。

吳鴻恩又奏。再臣前摺已經繕就。再四思維。如洋人能聽受王大臣等善言。自以不見為要義。第一堅執親遞國書一節。必欲尊重其事。以為榮。可否仿照

賜宴外藩之例。

皇上御太和殿。

特派親王大學士帶領該國使臣入

殿中行拜跪禮。

皇上將國書授親王大學士。親王大學士轉遞該國使臣。隨即退

出。祇此一

見之後。將來交涉事件。悉由總理衙門辦理。永不得以請見為辭。似於招撫懷遠之中。仍寓守經行權之道。

國體尊而人心順。此亦兩全之策也。

諭軍機大臣等。前據翰林院編修吳大澂奏。洋人懇請召見。未可

允准。本日復據御史吳鴻恩奏。洋人請覲。請飭開導。並酌定禮節。各摺。均。西洋各國使臣。願懇朝覲。蓄志已久。此次復向總理各國事務衙門。屢次懇請。經王大臣力為辯論。僅該使堅執前說。應如何豫籌辦理。期於朝廷體制。及中外大局。兩無窒礙之處。著李鴻章妥議具奏。

署兩江總督張樹聲奏。青浦鳳凰山教練勇丁。藉端滋事。該營保護華洋。竊原控。與他處留防兵勇有別。徑行裁撤。洋人必援案而爭。且勇丁留戍日久。安土重遷。尤未便操之過嚴。即經飭委候補道趙宗道。先往鳳凰山統領撫定軍心。一面密飭蘇松太道沈永成。面告英領事官。呵咤。

哩。以該營屢次生事。留之恐有後患。不若酌量調開。嚴行
整頓。庶免驚擾地方。與之反復開導。彼族尚無異說。當飭
趙宗道。統領督標正護兩營。共一千人。由吳淞出江。分紮
金陵揚州二處。會同原防各軍。堵緝梟桀。查拏游匪。業據
趙宗道稟稱。於二月十六十九等日。先後到防。現在上海
教練。尚留撫標兩營。分紮馬陸。崑崙二處。所有英法
兩國教練西人。應否酌量資遣。已飭沈秉成察看情形。稟
議去留。至調防二營。應如何挑選歸併。以資得力之處。容
臣與新任督臣李宗義會商妥辦。

硃批知道了。

丁和黑龍江將軍德英奏。牙德英巡閱至黑龍江城。親赴黑河也。適有海蘭泡俄酋。執提生科。聞信遣員先至江右迎接。牙當卽款待去後。繼則執提生科親率通事俄官等。過江來謁。與牙會晤。猜帽施禮。牙當以賓禮接見。茶酒款待。復據通事傳說。送給牙洋錫茶壺酒盃等物。以為贊敬之禮。牙查看所餽。並無貴重之物。時當遵約議和之際。未便卻之。致彼生疑。轉失敦睦之道。酌留以撫其意。次日牙亦親率官兵數員。名過江巡查旗也。便會俄酋。牙示以大方。回贈俄酋暨俄兵眾官等。綢緞布疋米麵果品等物。用昭厚往。薄來。該夷俱各歡顏拜領。牙當卽巡視沿江一帶。

本屬旗屯商民等均各照舊安居。並諭商民公平交易。隨飭卡官小心彈壓。事畢旋回黑龍江城。適該俄酋批健生科。復帶俄官通事數人來城送別。特視其禮貌謙和。依舊茶條。該酋手持夷卷一匹。據該通事傳述所言。均與定約未合之件。當經督按約制辦。該酋伴作他論。移時作別。散知理合附片奏

附

硃批知道

善辨夷務始末卷之八十九